



فنون و معارفك يكانه حامى ذيشانى بولنان شهريار كمالا تپرور افندمرن حضر تالرينك
علو عنايات سنيه حضرت تاجدار يلرى سائقه مبعجله سيله زير جناح مستلزم الفلاح
جناب تاجدار يلرنده مستظل امن وامان اولان بالجله ملل واقوامك نه على بر نقطه
فيضه واصل اولديغنى تعريف وايضا حه قالقشقم زاندر ،

انظار متدارانه من او كنده پرتو نثار لطف واحسان اولان بدرقه عنايات حضرت
جهانبانى شاهراه ترقيا تمزي اودرجه تنوير ايتشدركه سايه معارف پيرايه تاجدار يلرنده
بوكونكي موقع بالاى فيض و كماله وصول ايچون بزده كور يان سرعت خارق العاده
هيچ بر عصرده هيچ بر ممالك كنده امثالى مشاهد اوليان موفقيات عظيمه دندر .

حصولى عصر لر مرورينه وابسته اولان ترقيات حاضره عثمانيه ي محير العقول
بر سرعت فوق العاده ايله انظار جهانده وضع ايدن افكار منوره جناب پادشاهينك شعله
مقدسه فيض بخشاسى تبعه صادق ملوكانه لر يني دها پارلاق بر نقطه سعاده دها على
بر منزل ترقى و مسعوديته بالا يصال استقبالمزى مغبوط جهان اوله حق بر مرتبه عال
العاله ارتقا بيوره جنى دخى مسلمات اموردندر .

ولی النعمت بیتمن سوکیلی پادشاهمز افندمز حضر تلرینک پیرایه ساز تحت
عالیخت عثمانی اولدق قری روز مسعدت افروز دنبرو تیسر نمای حصول اولان آثار
ترقیات نامتناهیہی دلائل قاطعہ و براہین ساطعہ سیلہ عرض و تفصیلہ کیرشمک دخی
بیلز و مدرکہ بو حقیقت لایق اولدینی شمعہ علویتلہ بتون افکار و اذهان عمومیہ دہ
قرار کیر اولشدر .

دور دلارای حضرت پادشاهینک بخش ایتکده بولندینی محسنات ترقی جویانہ
ثمراتیلہ ایلک نسخہ سنی تیمنا چکن جلوس ہمایون میستمقرون جناب ولی النعمت
اعظمی روز فیروزینہ مصادف اولان یوم مبارکده نشر ایتدیکم «ادبیات صداسی»
ولادت باہر السعادت حضرت شہریاریہ مصادف اولان بوشرفلی کونڈہ دخی
پیرایہ لسان مصادقتی بولنان ازدیاد عمر و اقبال و توافر شان و اجلال حضرت جہاندارای
دعای واجب الاداسیلہ ایفای فرائض عبودیتہ مسارعتمدن طولانی مفتخر در .
ہمان جناب خلاق جہان پادشاہ عدالتعنوان افندمز حضر تلرینی دہا نیچہ بوکی
ایام مبارکہ نک ادراکنہ مظهر بیورسون دعای صدق انتماسنی خاتمہ مقال عبودیت
اشتمال ایلدم .

